

**USVOJENI DNEVNI RED 4. TEMATSKE SJEDNICE GRADSKOG VIJEĆA TUZLA,
ODRŽANE 29.6.2026. GODINE I NASTAVKA ODRŽANOG 2.7.2026. GODINE
(broj 01/04-A-9451-2026)**

1. Razmatranje stanja, kvaliteta i razvojnih perspektiva srednjeg i visokog obrazovanja na području grada Tuzla u funkciji društvenog i ekonomskog razvoja grada Tuzla

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE**



**Broj: 01/04-A-9451-2026
Tuzla, 2.7.2026. godine**

GRAD TUZLA

- Gradonačelnik Grada Tuzle dr.sc. Zijad Lugavić
- Sekretar organa državne službe
- Stručna služba Gradskog vijeća

PARLAMENTARNA SKUPŠTINA BOSNE I HERCEGOVINE

- Komisija za borbu protiv korupcije

SKUPŠTINA TUZLANSKOG KANTONA

- Komisija za borbu protiv korupcije

MINISTARSTVO OBRAZOVANJA I NAUKE TUZLANSKOG KANTONA

PEDAGOŠKI ZAVOD TUZLANSKOG KANTONA

AGENCIJA ZA RAZVOJ VISOKOG OBRAZOVANJA I OSIGURANJE KVALITETA BOSNE I HERCEGOVINE (HEA)

CENTAR ZA INFORMISANJE I PRIZNAVANJE DOKUMENATA IZ OBLASTI VISOKOG OBRAZOVANJA (CIP)

PRIVREDNA KOMORA TUZLANSKOG KANTONA

UDRUŽENJE POSLODAVACA TUZLANSKOG KANTONA

PREDMET: Obavijest

Na četvrtoj tematskoj sjednici Gradskog vijeća Tuzla, održanoj 29.6.2026. godine i na nastavku tematske sjednice, održanom 2.7.2026. godine, pod tačkom 1. Razmatranje stanja, kvaliteta i razvojnih perspektiva srednjeg i visokog obrazovanja na području grada Tuzla u funkciji društvenog i ekonomskog razvoja grada Tuzla, usvojeni su sljedeći

ZAKLJUČCI

1. Pozivaju se na učešće u narednoj tematskoj sjednici Gradskog vijeća Tuzla - Razmatranje stanja, kvaliteta i razvojnih perspektiva srednjeg i visokog obrazovanja na području Grada Tuzla u funkciji društvenog i ekonomskog razvoja Grada Tuzla, predstavnici Komisije za borbu protiv korupcije Parlamentarne skupštine Bosne i Hercegovine i Komisije za borbu protiv korupcije Skupštine Tuzlanskog kantona, Ministarstva obrazovanja i nauke Tuzlanskog kantona, Pedagoškog zavoda Tuzlanskog kantona, Agencije za razvoj visokog obrazovanja i osiguranje kvaliteta Bosne i Hercegovine (HEA), Centra za informisanje i priznavanje dokumenata iz oblasti visokog obrazovanja (CIP), javnih i privatnih srednjoškolskih i visokoškolskih ustanova, Privredne komore Tuzlanskog kantona, Udruženja poslodavaca Tuzlanskog kantona, zainteresovanih privrednih subjekata, stručne i akademske javnosti, studentskih i učeničkih organizacija, kao i drugih zainteresovanih institucija i organizacija, da Gradskom vijeću Tuzla dostave informacije, analize, prijedloge, preporuke i druge relevantne podatke iz svoje nadležnosti, kako bi se na narednoj tematskoj sjednici, kroz otvorenu, argumentovanu i stručno utemeljenu raspravu vijećnika i pozvanih učesnika, donijeli kvalitetni zaključci i preporuke usmjereni na unapređenje srednjeg i visokog obrazovanja kao jednog od

ključnih razvojnih resursa društvenog, ekonomskog i demografskog razvoja grada Tuzla, uz puno poštivanje načela zakonitosti, jednakosti i zabrane diskriminacije. Poziv za narednu tematsku sjednicu će svim subjektima na koje se zaključci odnose biti dostavljen u poslovničkom roku.

2. Zadužuje se Stručna služba Gradskog vijeća Tuzla da svim pozvanim učesnicima, uz poziv za učešće u radu naredne tematske sjednice, dostavi zaključke i obrazloženje za održavanje tematske sjednice kao i stenogram sa današnje tematske sjednice te ih pozove da u roku od 30 dana od dana prijema poziva dostave pisane informacije, analize, prijedloge, preporuke i drugu relevantnu dokumentaciju iz svoje nadležnosti, kao i prijedloge sistemskih mjera i aktivnosti koje smatraju potrebnim radi unapređenja kvaliteta, zakonitosti, transparentnosti, konkurentnosti i usklađenosti srednjeg i visokog obrazovanja sa potrebama tržišta rada i društvenog razvoja.

3. Prikupljene informacije, analize, prijedlozi i preporuke predstavljat će stručnu osnovu za pripremu naredne tematske sjednice Gradskog vijeća Tuzla i izradu zaključaka i preporuka usmjerenih na unapređenje položaja učenika, studenata i njihovih nastavnika i profesora, jačanje saradnje obrazovnih ustanova i privrede, razvoj kulture kvaliteta, zaštitu dostojanstva obrazovanja, te stvaranje uslova za zadržavanje mladih i obrazovanih kadrova na području grada Tuzla.

4. Pozvane institucije i organizacije koje u ostavljenom roku ne dostave tražene informacije, analize, prijedloge i drugu relevantnu dokumentaciju ili ne dođu na tematsku sjednicu, smatrat će se da nisu iskoristile mogućnost da svojim stavovima, prijedlozima i stručnim mišljenjima učestvuju u pripremi i radu naredne tematske sjednice, kao ni u kreiranju zaključaka i preporuka Gradskog vijeća Tuzla.

5. Gradsko vijeće Tuzla potvrđuje opredjeljenje da se kvalitet srednjeg i visokog obrazovanja unapređuje uz puno poštivanje Ustava Bosne i Hercegovine, Zakona o zabrani diskriminacije Bosne i Hercegovine, načela jednakosti pred zakonom, akademskih sloboda i autonomije obrazovnih ustanova, te principa jednakog postupanja prema svim obrazovnim ustanovama koje djeluju u skladu sa zakonom.

6. Gradsko vijeće Tuzla smatra neprihvatljivim svaki oblik paušalnog osporavanja ili javnog omalovažavanja učenika, studenata, diplomanata, profesora ili obrazovnih ustanova bez prethodno provedenog zakonom propisanog postupka i pravosnažnih odluka nadležnih organa i sudova, jer takvo postupanje narušava pravnu sigurnost, povjerenje u obrazovni sistem i dostojanstvo mladih ljudi i obrazovnih ustanova.

7. Gradsko vijeće Tuzla podržava razvoj zdravog akademskog okruženja zasnovanog na kvalitetu, zakonitosti, odgovornosti i ravnopravnoj akademskoj konkurenciji, uz jednake kriterije kontrole i ocjenjivanja rada svih javnih i privatnih obrazovnih ustanova u skladu sa zakonima i evropskim standardima osiguranja kvaliteta.

8. Gradsko vijeće Tuzla smatra da unapređenje kvaliteta obrazovanja predstavlja jedno od ključnih pitanja društvenog, ekonomskog i demografskog razvoja, te će i u narednom periodu kroz tematske sjednice, saradnju sa nadležnim institucijama i donošenje preporuka kontinuirano pratiti stanje u oblasti srednjeg i visokog obrazovanja.

9. Gradsko vijeće Tuzla izražava punu podršku radu Univerziteta u Tuzli povodom obilježavanja 50 godina njegovog postojanja, prepoznajući njegovu historijsku i stratešku ulogu u razvoju grada, Tuzlanskog kantona i Bosne i Hercegovine.

10. Gradsko vijeće Tuzla podržava nastavak realizacije projekta izgradnje Kampusa Univerziteta u Tuzli kao kapitalnog projekta od strateškog značaja za razvoj visokog obrazovanja, nauke, istraživanja i privrede.

11. Gradsko vijeće Tuzla pozdravlja dosadašnja izdvajanja Vlade Tuzlanskog kantona za razvoj Kampusa Univerziteta u Tuzli te poziva na nastavak kontinuirane finansijske podrške.

12. Gradsko vijeće Tuzla daje punu podršku realizaciji projekta izgradnje laboratorijskog kompleksa Mašinskog fakulteta Univerziteta u Tuzli, finansiranog sredstvima Evropske unije, kao važnog koraka ka unapređenju naučnoistraživačke infrastrukture i saradnje sa privredom.

13. Gradsko vijeće Tuzla smatra da je potrebno intenzivirati saradnju Univerziteta u Tuzli, srednjih škola i privrednih subjekata radi usklađivanja nastavnih programa sa potrebama tržišta rada.

14. Gradsko vijeće upućuje čestitke Mješovitoj srednjoj mašinskoj školi Tuzla povodom obilježavanja 100 godina postojanja, uz zahvalnost za izuzetan doprinos obrazovanju generacija stručnih kadrova koji su gradili industrijski razvoj Tuzle i Bosne i Hercegovine.

15. Gradsko vijeće Tuzla podržava intenzivnije uključivanje Univerziteta u Tuzli u međunarodne istraživačke projekte, posebno kroz programe Evropske unije, s ciljem jačanja naučne izvrsnosti i transfera znanja prema privredi.

16. Gradsko vijeće Tuzla smatra da obrazovanje predstavlja jedan od ključnih strateških prioriteta razvoja grada Tuzla te će, u okviru svojih nadležnosti, pružati podršku projektima koji doprinose unapređenju kvaliteta srednjeg i visokog obrazovanja.

17. Gradsko vijeće Tuzla inicira uspostavljanje institucionalnog partnerstva između Grada Tuzle i Univerziteta u Tuzli kroz izradu zajedničkog programa saradnje kojim će se unaprijediti stručna praksa

studenata, priprema razvojnih projekata, međunarodna saradnja i primjena naučnih saznanja u rješavanju razvojnih izazova Grada Tuzle.

18. Gradsko vijeće Tuzla inicira uspostavljanje stalnog Savjeta za saradnju Grada Tuzle i Univerziteta u Tuzli, kojeg bi činili predstavnici Grada, Univerziteta, privrede i drugih relevantnih institucija, s ciljem zajedničkog planiranja razvojnih projekata, i stvaranja uslova za zadržavanje mladih visokoobrazovanih kadrova u Tuzli.

19. Gradsko vijeće Tuzla podržava kontinuirano unapređenje kvaliteta srednjeg i visokog obrazovanja kroz modernizaciju nastavnih programa, razvoj nastavnih kapaciteta, digitalizaciju i jačanje praktičnih kompetencija učenika i studenata.

20. Preporučuje se intenziviranje saradnje između obrazovnih ustanova, naučnih institucija, privrednog sektora, javnih ustanova, organizacija civilnog društva i lokalne zajednice radi stvaranja kvalitetnijeg okruženja za obrazovanje, istraživanje i inovacije.

21. Podržavaju se aktivnosti usmjerene na razvoj novih obrazovnih programa i usmjerenja u skladu sa savremenim naučnim, tehnološkim, društvenim i ekonomskim izazovima, uz očuvanje i unapređenje svih obrazovnih oblasti od javnog interesa.

22. Preporučuje se kontinuirano praćenje razvojnih potreba grada Tuzle i Tuzlanskog kantona kako bi obrazovne politike doprinosile ukupnom društvenom razvoju, unapređenju kvaliteta života građana i održivom ekonomskom napretku.

23. Gradsko vijeće Tuzla izražava podršku aktivnostima koje doprinose zadržavanju mladih, razvoju naučnoistraživačkog rada, međunarodne saradnje, studentskog standarda i stvaranju uslova za razvoj društva zasnovanog na znanju.

24. Gradsko vijeće Tuzla konstatuje da su u proteklom periodu realizirane brojne aktivnosti usmjerene na unapređenje uslova rada u srednjem i visokom obrazovanju na području Tuzlanskog kantona, uključujući ulaganja u obrazovnu infrastrukturu, opremanje obrazovnih ustanova, digitalizaciju nastavnih procesa, podršku učenicima i studentima te unapređenje statusa zaposlenih u obrazovanju, te daje podršku nastavku ovih aktivnosti u skladu s razvojnim potrebama obrazovnog sistema.

25. Gradsko vijeće Tuzla inicira da Ministarstvo obrazovanja i nauke Tuzlanskog kantona, u saradnji s Univerzitetom u Tuzli, razmotri mogućnost uspostavljanja programa angažovanja studenata završnih godina Edukacijsko-rehabilitacijskog fakulteta, a prema potrebama i drugih srodnih nastavničkih studijskih programa, na poslovima asistenata u nastavi u osnovnim i srednjim školama. Cilj programa bio bi unapređenje inkluzivnog obrazovanja, jačanje praktičnih kompetencija budućih stručnjaka te pružanje finansijske podrške studentima kroz rad uz stručno mentorstvo.

S poštovanjem,

DOSTAVITI:

11 x naslovu

1 x evidencija

1 x a/a

PREDSJEDAVAJUĆA

Ana Pejić, BA prava